



JP ELEKTROPRIVREDA BiH d.d. - Sarajevo,
Zavisno društvo Rudnik mrkog uglja "KAKANJ" d.o.o.-Kakanj



Kakanj, 03.06. 2016. godine.

Broj: 01/D-01-43- 7081 /16

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 337-05/16 od 30.05.2016. godine po otvorenom postupku (OP: 14/16 - Nabavka elektro materijala za vozila), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), Direktor Društva mr.sci. Kasim Alajbegović, dipl.ing.maš., donio je

ODLUKU
o izboru najpovoljnijeg ponuđača
nabavka elektro materijala za vozila u otvorenom postupku broj: OP 14/16

Član 1.

Za najpovoljnijeg ponuđača za nabavku roba – Nabavka elektro materijala za vozila, po provedenom otvorenom postupku OP: 14/16 izabran je sljedeći ponuđač:

Naziv / ime ponuđača		Ukupno ponuđena cijena (bez PDV-a)
1.	Konzorcij „NV-INVEST“ d.o.o. Sarajevo i „AUTO SHOP MUJIĆ“ d.o.o. Visoko	38.686,51 KM

Član 2.

Odbija se ponuda ponuđača „ZAIMOVIĆ“ d.o.o. Kakanj, dostavljena u postupku nabavke - Nabavka elektro materijala za vozila, a po obavještenju o nabavci broj: 967-1-1-371-3-40/16 od 21.04.2016. godine objavljenom na portalu javnih nabavki, kao neprihvatljiva.

Član 3.

Prijedlog ugovora o nabavci dostavit će se na potpis izabranom ponuđaču Konzorcij „NV-INVEST“ d.o.o. Sarajevo i „AUTO SHOP MUJIĆ“ d.o.o. Visoko po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Član 5.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.- Kakanj.

Član 6.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 7.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-14758/15 od 14.12.2015.godine. Procijenjena vrijednost javne nabavke bez PDV-a je 40.000,00 KM.

Obavijest o nabavci broj: 967-1-1-371-3-40/16 poslana je na objavu dana 21.04.2016.godine, a isti dan je i objavljena na Portalu javnih nabavki.

Komisija za javnu nabavku je dana 30.05.2016. godine sačinila Zapisnik o ocjeni ponuda broj: 335-05/16 od 30.05.2016. godine i Preporuku o izboru najpovoljnijeg ponuđača broj: 337-05/16 od 30.05.2016.godine, u postupku javne nabavke roba – nabavka elektro materijala za vozila.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.
- da nije bilo neblagovremeno zaprimljenih ponuda.
- da je ponuda ponuđača Konzorcij „NV-INVEST“ d.o.o. Sarajevo i „AUTO SHOP MUJIĆ“ d.o.o. Visoko prihvatljiva.
- da ponuda ponuđača „ZAIMOVIĆ“ d.o.o. Kakanj nije prihvatljiva.

Ponuda ponuđača „ZAIMOVIĆ“ d.o.o. Kakanj je neprihvatljiva iz slijedećih razloga:

Mjesto isporuke roba

Mjesto isporuke roba je: JP ELEKTROPRIVREDA BiH d.d. -Sarajevo Zavisno Društvo Rudnik mrkog uglja „KAKANJ“ d.o.o. –Kakanj - Centralno skladište na PK „Vrtlište“.

Izjava ponuđača o mjestu isporuke i to:

- Za ponuđače iz BiH – Isporuka na paritetu DDP prema Incoterms 2010 JP „Elektroprivreda BiH“ d.d. Sarajevo Z.D. RMU „Kakanj“ d.o.o. Kakanj.
- Za ponuđače izvan BiH – Isporuka na paritetu DAP prema Incoterms 2010 JP „Elektroprivreda BiH“ d.d. Sarajevo Z.D. RMU „Kakanj“ d.o.o. Kakanj.

**Ponuđač je u svojoj ponudi trebao dostaviti Izjavu o mjestu isporuke kako je traženo tačkom 2.5 tenderske dokumentacije.

Ponuđač „ZAIMOVIĆ“ d.o.o. Kakanj u svojoj ponudi nije dostavio Izjavu o mjestu isporuke.

Rok isporuke

Rok isporuke je: Ugovor se zaključuje na period od dvanaest mjeseci od dana obostranog potpisa ugovora. Sukcesivna isporuka u roku od 10 dana od dana prijema svake pojedinačne narudžbenice od kupca, a nakon potpisivanja ugovora. Kupac zadržava pravo potpune i djelimične realizacije ugovora. Kupac zadržava pravo određivanja količina po svakoj pojedinačnoj narudžbi. Narudžba se dostavlja fax-om i putem pošte.

Prodavac se obavezuje Komercijalnoj službi Kupca izvršiti najavu isporuke najkasnije 24 sata prije dana isporuke.

Prijem predmeta kupoprodaje u mjestu isporuke vrši se svakim radnim danom od 07⁰⁰ do 14⁰⁰ sati.

Ponuđač će u ponudi dostaviti

- Izjavu kojom se obavezuje da će izvršavati sukcesivnu isporuku u roku od 10 dana od dana prijema narudžbenice od kupca, a po potpisivanju ugovora
- Izjavu kojom se obavezuje da će izvršiti najavu isporuke Komercijalnoj službi najkasnije 24 sata prije dana isporuke i da će isporuku izvršiti u mjesto isporuke u vremenu od 07⁰⁰ do 14⁰⁰ sati.

****Ponuđač „ZAIMOVIĆ“ d.o.o. Kakanj u svojoj ponudi nije dostavio Izjavu kojom se obavezuje da će izvršavati sukcesivnu isporuku u roku od 10 dana od dana prijema narudžbenice od kupca, a po potpisivanju ugovora.**

Ponuđač „ZAIMOVIĆ“ d.o.o. Kakanj u svojoj ponudi nije dostavio Izjavu kojom se obavezuje da će izvršiti najavu isporuke Komercijalnoj službi najkasnije 24 sata prije dana isporuke i da će isporuku izvršiti u mjesto isporuke u vremenu od 07⁰⁰ do 14⁰⁰ sati.

Ocjena tehničke i profesionalne sposobnosti ponuđača

- Tačkom 3.2 tenderske dokumentacije je traženo uspješno iskustvo u realizaciji najmanje 1 ugovora u prethodne tri godine (2013., 2014. 2015.godina, uključujući i tekuću 2016. godinu), čiji je karakter i kompleksnost isti onima koji se odnose na predloženi ugovor (nabavka elektro materijala za vozila), a čija vrijednosti ugovora ne može biti manja od 20.000,00 KM bez PDV-a.

Ponuđač u svojoj ponudi treba da dostavi listu izvršenih isporuka u (2013., 2014. i 2015. godini uključujući i tekuću 2016. godinu), sa ukupnim vrijednosnim iznosima datumima i primaocima uz osiguranje dokumenata u formi potvrda o izvršenim isporukama koje su izdali primaoci - Obrazac „Popis ugovora-lista referenci“ u Aneksu 6. tenderske dokumentacije ili od datuma registracije, ukoliko je ponuđač počeo sa radom prije manje od tri godine, dostavit će dokaz za taj period.

Dokaz se podnosi u tabelarnom pregledu - Obrascu „Popis ugovora-lista referenci“ u Aneksu 6 koji se nalazi u prilogu ove tenderske dokumentacije uz potvrdu koju daje druga ugovorna strana o njihovoj realizaciji.

Dokumentacija koja se podnosi mora biti dostavljena u originalu ili u kopiji ovjerenoj od strana nadležnog organa uprave. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati slijedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima.

Potvrda se dostavlja u originalu ili ovjerenoj kopiji kod nadležnog organa.

****Ponuđač „ZAIMOVIĆ“ d.o.o. Kakanj je u svojoj ponudi dostavio potvrdu o uredno izvršenom ugovoru, ali Aneks 6 „popis ugovora - lista referenci“ nije dostavljena.**

Umjesto referenc liste, ponuđač je u svojoj ponudi dostavio Izjavu o prometu koja nije tražena tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	Konzorcij „NV-INVEST“ d.o.o. Sarajevo i „AUTO SHOP MUJIĆ“ d.o.o. Visoko	38.686,51 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 38.686,51 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisno društvo Rudnik mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.



Direktor Društva

Mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a